

衢州文獻集成

〔子部〕

第
127
冊

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔子部〕

第
127
冊

國家圖書館出版社

(明)徐應秋 撰

玉芝堂談薈三十六卷
(卷一至七)

清抄本

玉芝堂談薈三十六卷 提要

明徐應秋撰。應秋字君義，浙江西安人。萬曆丙辰進士，官至福建左布政使。是書亦考證之學，而嗜博愛奇，不免兼及瑣屑之事。其例立一標題爲綱，而備引諸書以證之，大抵采自小說雜記者爲多。應秋自序有曰：「未及典謨垂世之經奇，止輯史傳解頤之雋永。名之談薈，竊附說鈴。」其宗旨固主於識小也。然其摭摭既廣，則兼收並蓄不主一途，軼事舊聞，往往而在。故考證掌故、訂正名物者，亦錯出其間。披沙揀金，集腋成裘，其博洽之功，頗足以抵冗雜之過，在讀者別擇之而已。昔李昉修《太平廣記》、陶宗儀輯《說郛》，其中譎怪居多，而皆以取材宏富，足資采擇，遂流傳不廢。應秋此編，雖體例與二書小別，而大端相近。至來集之之《樵書》，全仿應秋而作，然有其蕪漫，而無其博瞻，故置彼取此焉。（《四庫全書總目》卷一三三《玉芝堂談薈》）

案：徐應秋字君義，號雲林。巡視閩海，平巨寇劉香，其功甚著。有書癖，充棟之藏，涉獵殆盡，著述甚豐，有《雪艇塵餘》《玉芝堂談薈》《駢字憑霄》《枳記》《兩闌合刻》《古文奇艷》《古文藻海》等。

雲林自言著此書，「舉尋常意想之所未經，多古今載籍之所已備，惜學人少見而多怪，致往牒似誕，而疑誣用是」，「大都標神道之妖祥，記山川之靈怪，表人事之卓異，著物性之瑰奇」。此書三十六卷，每卷又分若干則，每則多記錄歷代同類之事，各立標題。此書分門別類天地人物，其記人文涉及帝王、將相以至各色人等，錄有歲時、民俗、史籍、小說、碑銘、詩體、書畫、文字及各種技藝；其載自然於天文，涉及宇宙、天地、日月、星辰、風雨，於輿地涉及山川、井池、城宅、潮汐、海市、地震，亦載鳥獸、草木等。是書所載怪異之事尤多，如載「牛哀化虎」「母鷄殼中哺出小兒」「女化爲男」「人化異物」「男子孕育」等極爲荒誕。然諸多奇聞皆有所本，或取於歷代史籍，或源自諸家小說，或采於釋道典籍。其間有不少內容頗有考據之功，可資參考。此書據清抄本影印。

第一二七冊目錄

玉芝堂談薈三十六卷（卷一至七）

（明）徐應秋 撰
清抄本

.....

欽定四庫全書

子部十

玉芝堂談薈

雜家類五 雜纂之屬

提要

臣等謹案玉芝堂談薈三十六卷明徐應秋撰應秋字君義浙江西安人萬厯丙辰進士歷官福建左布政使是書亦考證之學而嗜博愛奇不免兼及瑣屑之事其創立一標題為綱而備引諸書以證之大抵採自小說雜


記者多應秋自序有曰未及典謨垂世之經
奇止輯史傳解頤之雋永名之談薈竊附說
鈴其宗主固在于識小也然其摭撫既廣則
兼收並蓄不主一途軼事舊聞往往而在故
考證掌故訂正名物者亦錯出其間披沙揀
金集腋成裘其博洽之功頗足以抵冗襍之
過在讀者別擇之而已昔李昉修太平廣記
陶宗儀輯說郛其中迂怪居多而皆以取材

宏富足資採擇遂流傳不廢應秋此編雖體
例與二書小別而大端相近至來集之之推
書全仿應秋而作然有其蕪漫而博瞻則不
及故置彼取此焉乾隆四十三年六月恭校

上

總纂官臣紀昀臣陸錫熊臣孫士毅

總校官臣陸費墀



玉芝堂談薈原序

玉芝主人無他嗜好喜讀未見之書雅慕博綜樂稱布
有之事自知鉛槧日暱縹緲洎通籍于金閨暨服官於
銀艾青鏤頻握黃妳彌親游轍環周笥多收於秘本難
膏展誦目頗沙夫羣編譬覩龍宮海若之藏吁其駭矚
擬登玄圃層城之峻曠矣奇觀因嘆杳莽千齡造物常
恣擒狡浩穰六合幻化莫可端倪舉尋常意想之所未
經多古今載籍之所已備惜學人少見而多怪致佳牒

似誕而疑誣用是自同脈望時問弘成衍濟之珠軌命
喻靡錄置茂先陟釐之紙于閨浮玉投石以收林邑拋
金望螢斯採既竭結鄰之潘宛萃吉光之裘過境探琛
將羊斟于九館涉川投秘絕寶母于重淵同事則連類
以都膚互載亦綴芳於不律大都標神道之妖祥記山
川之靈怪表人事之卓異著物性之瑰奇金壺灑墨傾
說苑于虞初鹿革開囊暢言泉于稷下照廡遍徵夫結
綠拳龍惟取於空青疑然犀以走百靈幾化齒而為五

色用供爇稍破拘虛未及典謨垂世之經奇止輯史
傳解頤之雋永名之談薈竊附說鈴赤虹化為黃玉識
緯故不廢于聖門金簡授自玄夷山海每多書乎異物恐
成駭俗聊代解嘲世有弘覽之通人堪佐雜俎之別種
云爾徐應秋序

欽定四庫全書

玉芝堂談薈卷一

明 徐應秋 撰

帝王誕生瑞徵

史傳中所記誕聖瑞徵偶錄其尤異者詩含神霧大跡
出雷澤華胥履之生宓犧拾遺記神母遊華胥之洲青
雲繞神母即覺有娠歷十二年而生庖犧帝王世紀女
登為少典妃有神人龍首感女登于尚羊生炎帝神農

河圖握拒附寶之郊野大電光繞北斗樞星照于郊野
感附寶二十四月而生軒轅于壽丘紫氣充房春秋元
命苞大星如虹下流華渚女節意感生白帝朱宣少昊
氏河圖著命瑤光之星如虹貫月正白感女樞于幽房
之宮生黑帝顓頊春秋合誠圖堯母慶都生于斗維之
野天大雷電有血光潤大石之中生慶都年二十寄伊
長孺家有赤龍負圖與慶都婚孕十四月而生堯于丹
陵帝王世紀瞽瞍妻曰握登見大虹意感而生舜于姚

墟河圖注握登見大虹意感生黃帝謂舜以上王也修
已山行見流星貫昴又吞神珠薏苡胸拆而生禹于石
紐開山圖女狄于石紐山下泉中得月精如鷄子愛而
吞之孕十四月生夏禹宋符瑞志簡狄浴于玄丘之水
玄鳥銜卵而墜取覆以玉筐吞之遂孕胸剖而生契又
曰簡狄游于桑野黑鳥遺卵有五色文作八百字覆以
瑤筐朱紱夢神女曰生聖子以繼金德懷卵一年而孕
經十四年而生契河圖扶都見白氣貫月感生黑帝湯